

S A M Þ Y K K T

um forkaupsrétt eða forleigurétt Reyðarfjarðarhrepps á lóð í Reyðarfjarðarhreppi.

Samkvæmt heimild í lögum nr. 22 frá 23. júní 1932, um forkaupsrétt kaupstaða og kaupúna á hafnarmannvirkjum o. fl., hefur hreppsnefnd Reyðarfjarðarhrepps gert eftirfarandi samþykkt:

Reyðarfjarðarhreppur áskilur sér forkaups- og/eða forleigurétt á lóð eins og hér greinir: Lóðin afmarkast af aðalbraut að norðan, landi ríkisins að vestan, leigulóð Bergs Lárussonar að austan og sjó að sunnan. Lóð þessi er eign eigenda Bakkagerðislands í Reyðarfirði.

Samþykkt þessi öðlast þegar gildi og gildir í 5 ár frá og með dagsetningardegi hennar og birtist hér með til eftirbreytni öllum þeim, sem hlut eiga að máli.

Félagsmálaráðuneytið, 23. febrúar 1963.

F. h. r.

Hjálmar Vilhjálmsson.

Hallgrímur Dalberg.

R E G L U G E R Ð

um breyting á reglugerð nr. 160 frá 21. ágúst 1959, um barnavernd í Siglufirði.

1. gr.

Í stað orðanna „12—14“ í 2. mgr. 1. gr. komi: „innan 14 ára“.

2. gr.

2. gr. hljóði svo:

Bannað er að afhenda börnum og unglungum innan 14 ára aldurs tóbak, nema fyrir liggja beiðni frá foreldrum eða öðrum vandamönnum.

3. gr.

1. mgr. 5. gr. hljóði svo:

Börnum og unglungum innan 16 ára er óheimill aðgangur að knattborðsstofum og öldrykkjustofum. Innan sömu aldursmarka er unglungum óheimill aðgangur að og þátttaka í töluspjaldahappdrætti („bingó“), nema í fylgd með foreldrum. Eftir kl. 20 er þeim þó óheimill aðgangur með öllu að þess háttar skemmtunum. Innan sömu aldursmarka er unglungum (innan 16 ára) á tímabilinu 1. september til 1. maí óheimill aðgangur að almennum veitingahúsum, kaffihúsum, ís- og sælgætissölum („sjoppum“) og öðrum þess háttar stöðum, hverju nafni sem nefnast, eftir kl. 20. Sé dansað á viðkomandi stað, er þeim óheimill aðgangur á hvaða árstíma sem er og hvaða tíma dags sem er. Unglun­gum innan 14 ára er óheimill aðgangur að öllum framangreindum stöðum eftir kl. 20, óháð árstíma.

4. gr.

Reglugerð þessi öðlast þegar gildi og fellur jafnframt úr gildi breyting á reglugerðinni, dags. 19. janúar 1963.

Í menntamálaráðuneytinu, 28. febrúar 1963.

F. h. r.

Birgir Thorlacius.

Knútur Hallsson.

6. marz.

Nr. 43.

REGLUGERÐ**um fasteignaskatt á Akureyri.**

1. gr.

Greiða skal til bæjarsjóðs Akureyrar fasteignaskatt af fasteignum í lögsagnarumdæmi Akureyrar eftir neðangreindum reglum.

2. gr.

Fasteignaskattur skal miðaður við fasteignamatsverð og vera sem hér segir:

- a. 4% af virðingarverði byggðra lóða.
- b. 2% af virðingarverði húsa og annarra mannvirkja.
- c. 1% af virðingarverði túna, garða, reita, erfðafestulanda og annarra lóða og lenda.

3. gr.

Skatt skal reikna af heilum þúsundum fasteignamats, en því sem umfram er, skal sleppa.

Nái fasteignamatsvirðing eignar ekki 1000 kr., greiðist enginn skattur.

4. gr.

Eigandi fasteignar greiðir skattinn, nema um leigujarðir, leigulóðir eða önnur sanningsbundin landsafnot sé að ræða, þá greiðir ábúandi eða leigutaki skattinn.

5. gr.

Gjalddagi fasteignaskatts samkv. reglugerð þessari er 15. janúar ár hvert, og ber að greiða skattinn á skrifstofu bæjargjaldkera.

6. gr.

Af fasteignaskatti, sem eigi er greiddur eftir gjalddaga, skal greiða sömu dráttarvexti og greiða ber af útsvörum.

7. gr.

Undanþegnar fasteignaskatti samkv. reglugerð þessari, eru allar fasteignir bæjarsjóðs Akureyrar, aðrar en lóðir og lönd, sem seld eru á leigu.

Enn fremur eru undanþegnar kirkjur, samkomuhús og íþróttahús, sem ekki eru leigð út til skemmtana, eða rekin í ágóðaskyni, skólahús, barnahæli, sjúkrahús, elliheimili. Hið sama er um lóðir, sem fylgja slíkum húsum og lóðir, sem eru til opinberra þarfa.

Ef ágreiningur verður um skattskyldur fasteignar, sker ráðherra úr, en heimilt er aðiljum að skjóta málinu til dómstólanna.